



**Inatsisartut**

*Aningaasaqarnermut Ataatsimiititaliaq  
Finansudvalget*

Ulloq/Dato: 21. december  
J.nr.: 2009  
01.31.06/09-  
00452

## **Aningaasaqarnermut Naalakkersuisoq**

### **Ataasinngornermi ulloq 21. december 2009 Aningaasaqarnermut Ataatsimiititaliap aalajangerera pillugu Naalakkersuisunut ilisimatitsissut - Suliassaq nr. 01.31.06/09-00452.**

Saarullinniarnermut atatillugu tapersiuteqarnissamut tunngatillugu konto pingarneq 50.01.20-mut Aalisarneq aamma Piniarneq (tapiissutitut aningaasaliissutit) ilassuteqarnissaq pillugu (Suliassaq nr. 01.31.06/09-00452)

Naalakkersuisut inassutigaat,

- Kontumi pingarnermi 50.01.20-mi Aalisarneq aamma Piniarneq (tapiissutitut aningaasaliissutit) aningaasaliissutit 1,8 mio. kr.-inik qaffanneqassasut
- Kontumi pingarnermi 20.11.50-imi Ingerlatsinerneq sillimmatit aningaasaliissutit amerlaqataannik 1,8 mio. kr.-inik appartinneqassasoq.
- Kontumut pingarnermut 50.01.20 Aalisarneq aamma Piniarneq (tapiissutitut aningaasaliissutit) oqaasertaliussaq nutaaq ilanngunneqartoq 2009-mut ilassutitut aningaasaliissutinut inatsimmut ilanngunneqassasoq.

### **Aningaasaqarnermut Ataatsimiititaliap oqaaseqaatai**

Aningaasaqarnermut Ataatsimiititaliap maluginiarpaq qinnuteqaat ukioq naalivissoq nassiunneqartoq. Naalakkersuisut aningaasaliissutinik ukioq manna timitaliinissaat qularnarpoq, taamaalillunilu akuersissuteqarneq imatut kinguneqassalluni Naalakkersuisut 2010-mi aningaasartuuteqarsinnaassasut 2009-p affaani kingullerni tunisinerneq akit appasinnerinut sinerissamut qanittummi saarullinnianut taarsiissutitut. Qinnuteqaammi takuneqarsinnaanngilaq sooq aningaasaliissuteqarnissamik pisariaqartitsineq 2010-mut aningaasanut inatsisissap suliarineqarneranut atatillugu qinnuteqaatigineqarsimannginnerneq, taamaalillunimi qinnuteqaat pingaarnersiulluni tulleriarinerneq tamarmiusut ilaasinnaasimassagaluarneq.

Tamatumunnga ilanngullugu isumaqarnarpoq Naalakkersuisut isummernissaannut tunngavissiami (oqaasertaliorneq ajoraluartumik ersernerluttulerujussuit) paasissutissatigut ersertoq aningaasaliissutinik qinnuteqaat tunngavigisaalu kingumut sammisuuq. Assersuutigalugu isummernissamut tunngavissiami oqaatigineqarpoq:

”Aningaasat qinnutigineqartut 1,8 mio. kr.-it tunngaveqarput 2009-mi piffissami juulimiit ukiup naanissaanut saarullinnik aalisarnerup akiluttortitsinerup iluarsiivigineqarnissaanut aaqqiissuteqarniarnermi aaqqiissutissatut missingiunneqartut naatsorsorneqarsimaneri tunngavigalugit Naalakkersuisut amerlaqataannik piumasaqaateqarnerat. Taamaasilluni Naalakkersuisut isumaqarput aningaasat siumut tunaartaqarluni atorfissaannut naleqquttuusut.”

Aningaasaliissuteqarnissamik pisariaqartitsineq taamaalilluni qularnarpoq 2010-mi ilassutitut aningaasaliissuteqarnikkut naammassineqarsinnaassasoq, tassami oqartoqarsinnaanaviangimmat 2010-mut aningaasanut inatsisissatut siunnersuutip suliarineqarnerata nalaani pisariaqartitsineq siumut ilisimaneqarsimangitsoq.

Ataatsimiititaliaq taamaalilluni isumaqaqqajaavoq (arlaannik pissuteqartumik) kingusinaarluni iliuuseqarsimanermik Naalakkersuisut ”iluarsaassiniarsarisut” – missingersuutit pillugit inatsimmi tunngaviusumik najoqqutassat ataatsimoortumik pingaarnersiuilluini tullerriaarisarnissamik siunertaqartut naapertornagit.

Ataatsimiititaliaq peqatigitillugu isumaqarpoq aningaasaliissuteqarnissamik qinnuteqaammi timitaliinissamat periarfissat pingasut taaneqartut eqqarsaatigalugit erseqqissumik tunngavissaqanngitsumik Naalakkersuisut periarfissikkai qinnuteqaatit tiguneqartut akornanni namminneq toqqartuinissaannut, tamannalu aamma immiini Ataatsimiititaliap isummerniarneranik ajornakusoortitsivoq.

Ataatsimiititaliap ilanngullugu maluginiarpaa Naalakkersuisut isummernissaannut tunngavissiami oqaatigineqarmat 2009-mut 2010-mullu biologit siunnersuisimmamata sinerissamat qanittumi saarullinniartoqartariaqanngitsoq.

Tamatumunnga ilanngunneqassaaq isumaqarmat isummernissamat tunngavissiami apeqquserneqartoq umiarsuarnik tunitiviliiisoqarsinnaanersoq aalisarneq pillugu inatsimmi § 12 malillugu akuersissuteqartarnermut Naalakkersuisut periaaserisaat annertusinngikkaanni.

Ataatsimiititaliap ilanngullugu maluginiarpaa aningaasaliissutit qinnutigineqartut siunertarineqartoq naapertorlugu imminut akilersinnaanngitsumut tapiissutitut isikkoqarmata. Tapiissuteqartarneq ukiorpassuarni nunatsinni annertuumik atorneqarsimavoq, kisianni soorlu aamma Inuiaqatigiit aaqqissuussaanerat eqqarsaatigalugu naalakkersuinikkut iliuusissanut pilersaarummi september 2000-imeersumi aalajangersarneqartoq, tapiissutit attanneqartariaqanngillat eqqunneqarlutilluunniit inuiaqatigiinni kalaallini tamatumanilu inuussutissarsiornermi naammassisaqarnerusalernissamat suut aqqaasannaanersut sukumiisumik isumaliutigineqaqqaartinnagit. Taamaaliortoqanngippat tapiissuteqartarneq inuiaqatigiit (inuussutissarsiuilluunniit aalajangersimasut) ineriartornerannut qulliunerusumik naalakkersuinikkut anguniakkanut akornutaaginnaarsinnaapput.

**Aningaasaqarnermut Ataatsimiititaliap aalajangenera**

Aningaasaqarnermut Ataatsimiititaliap Naalakkersuisut inassuteqaataat **itigartippaat.**

Aningaasaqarnermut Ataatsimiititaliaq sinnerlugu

Naaja Nathanielsen  
Aningaasaqarnermut Ataatsimiititaliap Siulittaasua